



Ordinaziun davart las chasas da dimora da las scolas chantunalas

Sa basond sin ils art. 11 e 19 da la lescha davart las scolas medias sco er sin ils art. 14 e 21 da la lescha per la scolaziun da las dunnas. Relaschada da la regenza ils 4 da fanadur 2000

I. Administraziun

1. SUBORDINAZIUN, DIRECZIUN

Surveglianza **Art. 1**
Las chasas da dimora (convict e chasa da dimora) da las scolas chantunalas èn suttamessas a la surveglianza dal departament.

Direcziun **Art. 2**
Las direcziuns da las chasas da dimora èn responsablas per l'assistenza educativa da las scolaras e dals scolars sco er per ina gestiun moderna e raziunala.

2. ORGANISAZIUN, PERSUNAL

Persunal **Art. 3**
L'engaschamento da las collavuraturas, dals collavuraturs e da las persunas auxiliarias reglan las direcziuns da las chasas da dimora.

Urden
da chasa **Art. 4**
Las direcziuns da las chasas da dimora fan in urden da chasa.

Convict **Art. 5**
¹ A la direcziun dal convict stattan a disposiziun persunas da surveglianza cun pen-sums parzials per l'assistenza e la direcziun dals scolars durant las seras e sur las fins d'emna.
² Scolars pli vegls adattads sostegnan las persunas da surveglianza e la direcziun dal convict.

3. RENTABILITAD, CONTABILITAD

Taxas d'albiert
e da dunsena

Art. 6

¹ Sche pussaivel fixa il departament las taxas d'albiert e da dunsena uschia, ch'ellas cuvran 80 pertschient dals custs da gestiun.

² Ils pretschs èn d'adattar, uschespert ch'il grad effectiv da la cuvrira dals custs cuntaschi divergescha per dapli che 5 puncts pertschientuals da la prescripcziun.

³ Per la chasa da dimora vegnan applitgadas per regla las tariffas correspondantas dal convict.

4. ADMISSIUN, EXTRADA

Admissiun

Art. 7

¹ Las direcziuns da las chasas da dimora fixan il termin d'annunzia ch'è da publitgar en il Fegl da scola dal Grischun, en il Fegl uffizial dal chantun ed en la pressa quotidiana.

² Davart l'admissiun da scolaras e scolars decidan las direcziuns da las chasas da dimora. L'admissiun vala per regla per in onn.

Premissas

Art. 8

¹ L'admissiun da las scolaras e dals scolars succeda, sch'il dumber da las annunzias surpassa las plazzas disponiblas, tenor la suandanta successiun:

1. Tut las scolaras ed ils scolars da la scola per tgirunzas da chasa
2. Scolaras e scolars da valladas giu da via
3. Scolaras e scolars sut 18 onns
4. Ulteriuras ed ulteriurs tenor l'entrada da lur annunzias

Alloschament,
alimentaziun

Art. 9

¹ Las direcziuns da las chasas da dimora repartan chombras singulas e dublas a las scolaras ed als scolars. Per quest intent resguardan els uschè bain sco pussaivel ils giavischs annunziads.

² Las scolaras ed ils scolars vegnan alimentads da glindesdi en damaun fin venderdisaira.

Extrada

Art. 10

¹ L'extrada è pussaivla per regla be sin la fin da l'onn da scola observond in termin da desditga da dus mais.

² Sch'i n'existan betg avunda plazzas libras, alura pon las direcziuns da las chasas da dimora desdir a scolaras e scolars maiorens fin mez matg sin la fin da l'onn da scola.

Scolaras
e scolars
externs
giasts

Art. 11

¹ A scolaras e scolars externs po la direcziun permetter da s'alimentar en il convict.

² La mensa da la chasa da dimora stat a disposiziun a las scolaras internas ed a las scolaras ed ils scolars externs. La direcziun da la chasa da dimora decida davart las pussaivladadds d'alimentaziun per giasts.

II. Direcziun ed educaziun da las scolaras e dals scolars

Disciplina	Art. 12 Tgi che vul abitar en las chasas da dimora s'oblighescha d'observer l'urden da chasa sco er las disposiziuns da las direcziuns da las chasas da dimora.
Procedura disciplinara	Art. 13 ¹ Cuntravenziuns levas cunter la disciplina chastian las direcziuns da las chasas da dimora, cuntravenziuns pli grevas il departament. ² Il departament po excluder ina scolara u in scolar sin proposta da las direcziuns da las chasas da dimora e reglond l'obligaziun da surpigliar ils custs.
Malsogna	Art. 14 Scolaras e scolars che sa sentan malsauns ston annunziar quai immediat a las direcziuns da las chasas da dimora. Quellas consulteschan eventualmain il medi. En cas grevs orienteschan ellas immediat ils geniturs. Ils custs per l'agid medical ha da surprender la scolara u il scolar.
Convict	Art. 15 ¹ L'assistenza educativa dals scolars è ina incumbenza principala da la direcziun dal convict. Ils scolars vegnan survegliads en lur lavur, intimads da furmar a moda raschunaivla lur temp liber ed integrads en la responsabladad. ² La direcziun fa in'attenziun speciala al depurtament manieraivel dals scolars, a l'educaziun vers la cuminanza ed a l'igiena dal corp. Ella promova ils scolars en la planizaziun independenta da lur lavur ed als gida a far lur pensums.

III. Disposiziuns finalas

Duair d'instrucziun, direcziun dal convict	Art. 16 Il departament fixa il duair d'instrucziun e la direcziun dal convict.
Disposiziuns	Art. 17 Disposiziuns da las direcziuns da las chasas da dimora pon vegnir contestadas cun in recurs tar il departament aifer 14 dis dapi la communicaziun.
Dretg cumplementar	Art. 18 Ils urdens da scola da las scolas participadas valan confurm al senn.
Aboliziun dal dretg da fin uss	Art. 19 Cun l'entrada en vigur da questa ordinaziun vegn abolida l'ordinaziun davart il convict da la scola chantunala grischuna dals 23 da favrer 1976.
Entrada en vigur	Art. 20 Questa ordinaziun va en vigur sin il 1. d'avust 2000.